

Bwzswz Yaenqfat 《Fueng'anq Saedguh Aen Suenqveh Hawj Gak Cuz Nyezrauh Doxgyau》

百色印发《各族青少年交流计划实施方案》

Mboengqneix, Bwzswz Si yaenq-fat 《Fueng'anq Saedguh Aen Suenq-veh Hawj Gak Cuz Nyezrauh Doxgyau Bwzswz Si》, hawj gak minzcuz nyez-rauh ndaej camgya hozdung lai dieg-caezcienz、laiyiengh.

《Fueng'anq》 daez naeuz, yaek haeujlaeg hawj gak cuz nyezrauh

ndaej dox baedauq, camgya hozdung saedguh gwnzbiengz caeuq gagnyienh fugsae, guh “fwngz yien fwngz、gietdoi” bangre, saedguh hanghmoeg guhyiengh sawqdiemj “suenqveh dox-gyau” daengj. Lumjbaenz cauhaeb haj aen dieggiek saedguh son'gyauq couqmaenh gij eiqsik caezcaemh

Cunghvaz Minzcuz, dawz son'gyauq gij eiqsik caezcaemh yungzhaeuj dangzgoq sonhag, guh ok buek cujcz gagnyienh fugsae, caeuq hanghmoeg goeng'ik, hawj hagdangz baihsae、baihdoeng doxbang doxbaengh daengj.

《Fueng'anq》 dingh ndei, laeb-

baenz siujcuj hezdiuz aen suenqveh hawj gak cuz nyezrauh doxgyau Bwzswz Si, heuh gak gyaiq daengx si gaenxmaenx camgya hozdung “cib bak cien”, hawj gij eiqsik caezcaemh Cunghvaz Minzcuz doekrag ndawsim nyezrauh.

(Vuj Cunghgoz/伍忠国)

Duh'anh Miznaj Ndaej Cwnghauh “Aen Gih Guhyiengh Lijyouz Daengx Biengz Gvangjsih”

都安荣获“广西全域旅游示范区”称号

Mboengqneix, Swcigih Vwnzva Caeuq Lijyouz Dingh goengboub buek mingzdanb bi 2022 aen gih guhyiengh daengx biengz lijyouz Gvangjsih, Duh'anh Yauzcz Swciyen couh youq ndawde. Neix ndaej daezsang gij suiyingz hwngfat lijyouz, hwnqguh Duh'anh gyaeu-

ndei. Daj lied haeuj danhvei cauhaeb aen gih guhyiengh lijyouz daengx biengz Gvangjsih doxdaeuj, aen yienh neix saedhengz “aeu lijyouz hwnghoengh aen yienh”, hawj cannieb lijyouz byaij hwnj diuz roen vaiqvut ndeu.

(Vangz Yinswngh/黄润生)



▲Bouxcejboh langhbaij dwzcanj Duh'anh Yauzcz Swciyen.



▲Gwnz banci, bouxgagnyienh fat doxgaiq raeujsim hawj bouxnaenghci.

Yungzanh Hai “Yican Sim Ndei” Hawj Roen Maranz Bienq Raeuj

融安开设“爱心驿站”温暖回家路

1 nyied 7 hauh dwg ngoenz daih'it gvaqcieng daehyinh bi 2023. Yungzanh Yen guh gvaqcieng daehyinh gagnyienh fugsae hozdung caeuq bi 2023 mwh gvaqcieng daehyinh raeuj sim bouxdajgoeng Yen Cungjunghvei. Gyoengqde hai “yican (驿站) simndei youq mwh gvaqcieng daehyinh”, soengq raemx hing、yw gouq gip、doxgaiq fuengzre binghraq daengj hawj bouxhaici、bouxnaenghci, raeuj sim vunzlai.

(Danz Gaijhingh/谭凯兴)

Lungzlinz: Bae Segih Lwnh Siuhfangz Anhcenz

隆林:消防安全宣传进社区

1 nyied 6 hauh, Aen Daihdoi Gouqcoengh Siuhfangz Lungzlinz Gak Cuz Swciyen bae segih lwnghangj siuhfangz anhcenz. Hozdung fat le song bak lai faenh swliu, nem le roekcib lai mbaw haijbauq, ganggaij hajcib lai diuz cihsiz siuhfangz, song bak lai vunz souh'ik. Neix hawj vunzlai youq mwh dwkfeiz yungh dien engq rox re, guh ndei hong seiznit seizcin fuengzre feizcoemh.

(Banh Cunghyauh/班春娇)



▲Boux siuhfangzyenz yienq gyoengq lwngyez gaej gyawj feiz、boenz feiz.